

## Ferdinandt der Dritte.

**N**hrsambe liebe getrewe / wir stellen in kei-  
nen Zweifel / Euch werde vnser *sub dato*  
des dreiszigsten *Decembris* , nechst ver-  
wichenen Monats vnd Jahrs abgange-  
nes Schreiben zu recht eingehändigte  
seyn worden / darinnen wir euch vermüg des letzten  
zu Regensburg ergangenen Reichs Abschieds / ernst-  
lich befohlen haben / daß Ihr / krafft desselben alle  
vnd jede Feindliche Werbungen / so bloß vnd allein zu  
verwüstung vnser geliebten Vaterlandes Teutscher  
*Nation* gerichtet / vnd angesehen seyn / abstellen / nach  
dem Werbern trachten / vnd gegen dieselbe mit gebüh-  
render Straff verfahren / auch bey denen in vorberühr-  
tem Reichs Abschied / beariffenen Nrenen / den Feinden  
weder an *Victualien* , vnd Proviand / weder an Gewehr  
noch Kriegs *munitio*n das geringste nicht abfolgen las-  
sen / noch sonst durch Geldt / Wechsel oder andere weg  
einige Hülf oder vnterschleiff leisten sollet.

Nun seynd wir seithero von vnterschiedlichen glaub-  
würdigen Orthen berichtet worden / was massen vnser  
vnd des heiligen Reichs offene Feinde / die Schwedische  
Kriegs Völckere / vnter derselben General Torstenson /  
einen vnversehnen eigenthätlichen Feindliche Einfall /  
in das von vns vnd dem heil. Reich zu Lehn rührens  
des Herzogthumb Holstein / vnd Graffschafft Pinne-  
berg